

EGIL OLLI puhe 3.4.2012 Sajos koltansaame

Tiõrvtõs Sää´mtee´gǳ vaalpâai 2012–2015 ää´veempooddâst da Sää´mkultuurkõõskiõõzz Sajoozz risttmõõžžast 3.4. 2012 Aanrest

Sää´mtee´gǳ saaggjåå´dteei da sää´m parlamentaarlaž suávtõõzz saaggjåå´dteei Egil Olli

Lää´ddjânnam tää´ssvää´ld presidentt, Sää´mtee´gǳ saagg´jåå´dteei Sää´mtee´gǳ vuáßsla, jee´res kue´ss!

Mon haa´lääm spá´ssbõõššad káččmõõžžast vuáßsõttâd Sää´mtee´gǳ vaalpâai 2012–2015 ää´veempo´dde da sää´mkultturkõõkõõzz ää´veemprää´znka. Mu´st lij cistt Taarr Sää´mtee´gǳ da Sää´m parlamentaarlaž suávtõõzz vöborše´kķen vuáķķad pue´tted kue´ssen tii´k nõkam rämmpei´vven

Määngid ee´jjid mââiârra leäi historlaž šõddmõš Lää´ddjânnam saa´mid, ko vuõssmõs sää´mtee´gǳ ää´veeš. Sää´mtee´gǳ lij ee´jj 1996 aalgâst jiijjâznalla vuâdđuum saa´mi vaalin va´lljuum organ. Ouddâl tõn, ee´jjin 1973 – 1995, tuâimmji Sää´mvä´ldduumká´dd. Sää´mtee´gǳ lij saa´mi pââimõs politiikklaž organ da e´tkķee saa´mi vee´rjaž beá´lestvâlddmõõžž si´jjis kuõskki aa´ššin. Vaalin va´lljuum orgaan pââi´k raajât vuâittmõš pue´rad vuârvaikktõõzz ve´rgǳnee´kķivui´m, da še pue´rab vuâittmõõžžid vaikkted saa´mi aa´ššid da vuõiggâdvuõdíd. Taarr Sää´mtee´gǳ peá´lest tuâivtam leekk odd da oddest va´lljuum vuáßslaid tain vääžnai tuâimin puõ´tti pââ´jest. Åån älgg tuâjj koozz ko´lle nu´tt vuâittmõõžž ko tuejjumuužž.

Mee´st saa´min liâ õhttsaž tuejjumuužž, da tõ´nt taarbšep õhttsažtuâi še pâ´jjel raaji. Saa´min lij leammaž ju´n kuu´kķab ääi´j õhttsažtuâjj raa´ji jee´res orgaani da organisaatiai pââi´k. Puársõmâs tõin lij Sää´msuávtõs, koon vuâdđeeš ju´n ee´jj 1956. Odd õhttsažtuâjjorgan lij peá´ltes ee´jjest 2000 vuâdđuum Sää´m parlamentaarlaž suávtõs, kâá´tt lij Sää´mtee´gǳi parlamentaarlaž õhttsažtuâjjorgan, ko´st še Ruõšš beá´l sää´m liâ põõšši vuáßsõttjen. Sää´m parlamentaarlaž suávtõõzz Tuõjju ko´lle sää´m ää´šš pâ´jjel raaji. Ko åån Sää´mtee´gǳ puátt odd

ägga, mu´st liá vuárddmõõžž da tuáiv tõ´st , što tij leá´ped õinn vaalmâš âá´nned huõl da va´stteed mij õhttsažtuejstem Sää´m parlamentaarlaž suávtõõžžâst.

Leám ráámmest , što vuážžam vuássõõttád tij odđ sää´mkultturkõõskõs risttmõ´šše. Ij leákku vaiggád lee´d seámma miõlâst sijvui´m, kook peággte, što põrtt lij fiinâs. Arkkteeht da jee´res kruugg, kook liá leámmaž põõrt plaane´mmen, liá tuejjáam šiõgg tuái. Sää´m Lää´ddjânnmest liá áá´n vuážžam mooččâs põõrt. Áá´n lij tij tuájjan tuejjeed tán põ´rtte jie´llem siiskâž.

Táin saa´nin tuáivtam Sää´mtee´ğğ vuásslaid leekk puõ´tti áái´j tuõjju da ái´stam ti´jjid pukid odđ kultturkõõskõõzz diõtt.

Spá´sseb !